

城池志

附河道

堡寨

街巷

隄



古之能為守者莫不重無形之險彼公侯干城言儲才也
 衆志成城在得民也具是二而金湯不啻矣雖然庸遂廢
 守乎哉夫大易垂設險之訓周禮專掌固之官即長城天
 塹無論第使捍禦有資事變之興皆有所憑以壯其勢譬
 若張空券以應敵不若有尺寸之兵亦明矣故浹辰三克
 君子慨然思代匱也連故無城池明成化間巡按御史張
 鐸吳一貫均欲砌造半月城南面臨江為池不果嘉靖三
 年甲申叅政蔡潮建敵樓四以為藩屏東曰寅賓西曰迎

連江縣志

卷之二

城池

一

恩南曰澄江北曰拱極後五年丙戌郡守汪文盛築城羅
 源假道於連曾為布畫城規遭憂去又不果十八年巳亥
 通判徐訪署縣事議建城上藩臬二司未可其請

建城呈議云為

陳愚見以造城垣保境寧民事嘉靖十八年十月二十五
 日抄蒙分巡道案驗承奉巡按御史王批據連江縣申詳
 飛報軍情事仰即會同指揮楊椿剿捕除遵依解報外敢
 以身所經歷縣分目擊利害事宜上稟竊見羅源係裁減
 小邑因有城池居民執銃持鎗各有鬪志連江為縣甲兵
 賦役幾倍羅源人才萃止尤為特盛祇以無城可據一聞
 有警倉忙投竄男女驚惶老幼雜沓牽跌溪澗者有之背
 負莫前者有之流離困苦深可憫惻若不預為之圖卒無
 安寧之日前任知府汪文盛因築羅源城還亦曾相度本
 縣城基欲為建造尋以憂去事遂中止今為連江縣計亟
 宜築造一城永為防衛然興作必資於財用若以財用卒
 無取辦則本縣

查賣可得價值萬餘以豪右侵占之餘財為輔邑保障之
實用時艱永濟惠澤無窮此卑職一得之愚敢為陳請伏
乞採納早賜區處則先事有備民可依據盜賊寢剽
掠之患地方獲寧謐之利合邑生靈永奠於無虞矣 十九

年夏五月十八日山寇突入縣治知縣先謨率鄉兵禦之
卒莫能支以捍蔽無具故也於是鄉宦少叅游璉副使吳

世澤郎中陳坦御史王德溢以徐前議請於御史王瑛及

守巡二道 德溢有荒邑二議其初議云不肖荒謏塵腐不
識機宜孱病堊室之中有弔問相過者話及荒

邑保護之宜頗得撫拾一二茲承下詢亦連民更生之會
也連在省治東北東入海則森茫無際西北一帶為羅源
寧德古田壽寧接壤萬山深窈直連溫處蓋自古田遞北
民盜相半矣故西北之縣皆有城連則自先年處民乘鄧
七之亂橫掠邑中比後無寧時已經四次相度且中止豈
非黍苗之頌亦自有數耶傳曰非常之原黎民懼焉及觀

連江縣志

卷之二

城池

二

厥成天下晏如也天下之事有利有害害一二而利恆八
九害一時而利千萬世仁者忍弗為之耶故今日之議莫
急於城連鄉民私度可百餘丈一丈約十金集富民分領
之期百堵並作其計未萬費也且郡邑國家之輿圖也縱
連之會計不給亦奚取必於連城耶前是城永福城羅源
亦既出連之帑以助之矣或曰連鳳邑也城則鳳不舉其
衰矣夫名稱所以壯形勝言乎其似也自有宇宙便有此
山川鳳孰名之紅巾白刃嘯集其中鳳兮其鴟鴞之囚乎
或曰夫水順則趨逆則怒水之情也上原下壑地之勝也
連江上受溪壑東吐於海雨潦漲溢浸及原野滙及於江
尾間易泄非真如黃河巨浸衝齧奔突如徐淮一帶足以
變易陵谷也向河決而古徐之城宛在巨浸南岸善潰未
聞撤徐之城以全河南也示維城以域民官府相錯生齒
爰集顧其大者耳愚嘗曰措大之眼惜經費荒謬之士泥
風水道旁之議斷者擇焉城非不日而成者也其目前防
守之計乞暫遣餘丁必餘丁者軍不可調也或發預備之
粟及汰老弱民兵之食以餉之城訖功則掣去若連之民
則前棄曳之餘者也以連之官率連之疲卒而令於衆曰

已訓我旅其勿徙民其信以爲可恃耶連薪水易給而省
民之販鬻者趨焉役之而人樂從餉之而官無損且暫調
客兵而省兵民之食以佐城費一歲得一千二百餘兩停
三歲之工食可城三百餘丈爲三之一矣而防守者未嘗
缺也若曰適以擾之不猶愈於飢鴟之羣突乎其次則選
民兵今之機兵多坊市狙狡惡少或大家子弟之無恆業
者充之抗拒官府橫索鄉落皆食於鄉民者也此賊突至
而衝敵殞軀者又皆鄉民也計自今機兵之直榜諭鄉民
盡輸於官集各兵簡閱之少壯驍勇者籍其民在精不在
多月給工食六錢如廣中兵夫之例召募鍾師打手如俗
稱教師者數十徒編爲甲隊以訓練之教師則兼兩兵之
食無弗至者教之平時則兵皆素習仰於公帑則人皆爲
用自無虛名而濫食者亦一說也其次嚴禁賊雖蔓延
連羅之間而其窟穴實在壽寧古田地方其土性勁悍其
生業瘠薄以擔負濬築爲人役連大姓富室利其工直之
宜多僱傭之故熟知道路窺覘虛實呼羣引類突然集矣
然亦不必盡盜其主人亦有相率歸途剽掠於道路者蓋
其備趨旣微衣食不充故也議者欲乞戒約各縣民有遠

連江縣志

卷之二

城池

三

出者取勘里鄰經久不回者稽察族長驗無文引者遞回
官司庶幾互相警察絆於出入又栖隱寺不知何縣地方
賊之出沒於此攸集宜火其巢亦一說也又聞道路軫念
嚴詰所過之地欲加之罪此則肯綮之大者賊之姓名貫
址都圖共知所過捕盜地方皆有常例此道路流傳久矣
然皆莫甚於杉洋除惡務本以靖地方又在上之人加之
意焉耳諸所聽聞之言或有一得若築城之役則實邦人
千萬世之永利也願終圖之續議云某嘗聞之救溺者
濡赴急者趨其今日下邑之役與天下之事利害異情是
非異宜緩急異時智者能辨之仁者能成之勇者能決之
夫連固國家幅員之一也方飢鴟羣突虛邑以潰公府民
廛聞無人跡是不有其地也剛矛喋血首領不完呼吸鬼
物妻孥莫保是不有其民也茲連之往事而謂火未及燃
時與雖勞之害於此劇與揆諸事理非與而乃帑無羨鏹
卒無宿糧獨委勞於數十溫戶以起如雲之堞曰將以寧
爾也不亦左乎聞之諸公意見各持異同事以地別體以
分屬議防守之畧則曰有專責也請府藏之贏則曰有他
備也夫非故以連爲後也猶之聽言哀者未若見其哭也

堞凡一千六百東西南北爲四大門架樓其上又小門三

曰雲津曰資壽曰小北門水關四

今近西方者塞

內外有路以通

往來其緡盡出於廢寺之田與公羨度田肥磽估爲九等
待銀一萬二千八百餘兩城完之明年壬寅洪水衝頽其
半巡按徐宗魯仍命訪監葺之未幾復完邑民陳期用等
爲訪建生祠於龍興觀右額曰保固立碑頌功三十六年
丁巳分巡僉事盛唐爲備倭計增高三尺建窩鋪三十六
座是秋洪水壞城東數處知縣史元功晝夜督修冬值倭
寇附郭村民挈家入保賴以無患則城之效矣四十一年

連江縣志

卷之二

城池

五

壬戌知縣熊尹臣復蓋窩鋪十座度地要害建戰樓一十
二間高嵌雉堞雄視原野規制大備厥後圯於水計修七
百四十丈萬曆辛巳知縣劉燧力也旋爲霖雨淋崩知縣
朱應奎葺之外增小東門甕城一座巳酉水復壞城知縣
蕭毅又竣其役自是隨圯隨修

國朝順治丙申八月海寇陷城提督馬得功率士民刻期
修築大北門堦後四十丈知縣常爾澡則修於順治之十
七年郭鞏則修於康熙之十年後先堵築屹然如故迄雍
正三年乙巳七月大雨平地水深丈餘越翼日南門至平

水門城基皆塌其明年丙午八月大雨山水暴至漲溢二三丈城之西南近江者十傾八九而西門軌道並沒時知縣劉良璧力陳督撫請為繕理乃命原署令張兆鳳踏勘議修事以

上聞至明年丁未八月興工六年戊申九月竣事者原任江西布政使丁士一奉

旨獨任之也

自西門至南門大東門俱砌造
自大東之北至西北俱修葺

復建城門樓

七座窩鋪五座計土石木工費銀萬七千餘兩乾隆二年丁巳秋颶風夜作水溢南關外近東城垣馬道間復頽缺

連江縣志

卷之二

城池

六

知縣戚焱言殫心治葺乃以完固先是城有內河外壕內河舊砌石岸從美政橋中分之東流至登雲橋又分為東北二流東抵文山後水關北抵小北門水關其西流逾金壁橋又西逾巷柄橋至福星橋分為西北二流西則南旋城隅威奇廟右水關北則折入魁龍橋堽後水關關外俱達於壕統計長一千丈有奇濶或一二丈三四丈深皆七尺古法河水自港口與浦下分港達東門水關弁與西南之威奇廟右水關同入縣由堽後出外壕大北門外壕水由汀尾塘入大臍塘小北門外壕水由縣尾入山下塘浦

下塘出海明嘉靖間城壕淤塞漸不復浚三十七年戊午都司斷事王汝奇署縣乃勇爲開鑿自西至東延袤四百餘丈廣狹不一深同一丈又自東嶽觀至鄭家園開二十餘丈以沙土易泛廣僅八尺深五尺

國朝順治庚子秋寇陷馬漚署縣藩司照磨王章督民鑿外壕爲固守計尋以無事康熙中知縣郭鞏閔達皆謂內河腹心之水其通塞關民生圖復舊蹟並以物議中止知縣戚崧言浚治以疏濬河道爲首務率先割俸開五十丈訓導陳鵬南亦割俸開二十丈紳衿耆庶翕然捐輸自數

連江縣志

卷之二

城池

七

丈以至數十丈城中河自美政橋東至文山後水關口長一百零七丈自登雲橋北至小北門水關口長一百零五丈又鳳鳴坊前至常平倉前止長二十三丈自美政橋西至西南威奇廟右城隅水關口長一百八十九丈二尺自魁龍橋至埕後水關口長四十三丈三尺共四百六十七丈五尺河面濶或一丈五六尺或二丈四五尺深或八九尺或一丈零一二尺每丈售開濬直八九百文不等共費錢四百緡有奇城外河自文山後水關口越伏沙路兩橋至港口共長三百一十丈零河面濶或三丈至零四五尺

或二丈至零八九尺深或一丈至零六七尺或一丈至零三四尺每丈售開濬直一千八九百文不等共費錢五百七十緡有奇外港口河岸皆沙土水齧之輒坎功不易就前後請動

國帑計一千一百兩又無碍官地變賣紳衿耆庶續捐仍造石岸兩旁各五層或七層九層至十二三層復爲上下斗門水關橋梁共三座自大東門水關口至北埵菴後止河長一百七十餘丈底距岸二丈零共費工料錢一千八百緡有奇起自乾隆元年乙卯六月二十四日竣以庚申

連江縣志

卷之二

城池

八

年正月六日也

連河道埋沒已百餘年矣城內河土及平地尚有石岸可憑城外自水關口至港口

舊者土岸壅沙成一片而故道不辨民間以爲田園邑令戚蒞言親履郊原詳諮故老先清伏沙路兩橋漸得其故以次開復前此所欲舉不克舉之事至是竟成隨於橫槎龍潭尾植杉萬餘計三十年可以成材取其直以疏河之淤者又於署前隙地構市椽十七間歲入租以資修築後之君子倘能循而不廢兩鵠之謠吾知免夫時呈請國帑司其出入者紳士陳道峻孫澄陳學沛林鴻董兆莪募捐分股開濬者則有吳鵬舉林照孫鶴齡吳樹稷周夢采吳安國林文焜陳名然陳性端游繼祖十人例當附書

夫連地依山川之固而所爲

城池又如此形勝亦備矣且如嘉靖丁巳城甫完而島夷已不得爲四郊害或得以蹈藉吾地則防禦者疎耳得其人而善於守奠室家以寧婦子茲非其藉也哉

由城池及堡寨去縣東十里之幕浦其為堡肇自嘉靖三十八年周三百四十丈高一丈二尺又十里外為東岱沿海要汛邑治咽喉也堡周五百三十丈高仍幕浦以嘉靖四十二年建其增設銃城崇禎間自知縣于可舉始也

董應

舉東岱銃城記連江通海之水一東岱堡其咽喉也進而幕浦又進而邑城必此焉入在歲劉香內窺邑人震恐欲潰賴于侯奮義出奇開門挾矢迎敵賊咋舌走退而攻幕浦入之遂擣東岱弗克忽而出忽而入凡三擣竟弗克于侯曰壯哉此地若剗銃城扼其口賊能飛渡耶且可以固內地遂上其議於兩臺皆報可且助之金崇禎壬申某月某日肇基水中選石壓之層累而上高廣堅厚上下銃洞具列費頗巨半出侯辦侯月一再視工後屬丞某坐督乙亥某月某日告竣邑人聚觀讚嘆微侯不能扼此險微撫臺沈按臺路悉侯保障苦心不成此功請予為記于惟易

連江縣志

卷之二

城池

九

之坎曰設險守國險莫如水善守者守於賊所從入之地則險抗而敵不能窺海氛雖惡豈能越以乘我乎有險不設而與敵爭於堂奧之間必無幸矣嘗與觀察曹公持此議安得人人如侯如二公盡行其說哉詩曰糾糾武夫公侯干城又曰之屏之翰百辟為憲夫克亂用武扼險伐謀宜亦憲國者之所有事也故記之使來者知功德之所始

後與浦口寨同修時則康熙五十六年知縣王孚又與縣城同修則雍正六年布政使丁士一也東望北岸儼若郡邑憑山俯踞遠吞萬頃者為定海堡高二丈周六百丈洪武二十年建於江夏侯周德興至嘉靖四十年以倭警增

圍二丈

國朝康熙雍正間重修者二皆與岱堡同距二里為小亭

堡嘉靖癸巳民間自築以防倭也高一丈周二千一百一十丈雉堞八百有奇中爲西南二門重修於崇禎五年地與定海皆連中巨鎮稱全閩五寨之一

小亭并泉之語與興之日南漳之銅

山福寧之烽火稱五寨

於省會固門庭要區爲控制所必先其嚴爲

之衛宜哉又東而爲堡四在黃岐者周五百四十一丈崇禎九年鄉民自築在奇達者縱橫四百二十丈中爲三門築於崇禎十七年在苔綠者縱橫丈數如奇達中爲南北二門築於嘉靖乙丑在北茭者縱橫二百八十九丈築於嘉靖四十年亦皆依海島遙接外洋數堡其輔車相依者

連江縣志

卷之二

城池

十

也治東北五十里則有透堡名安德又十里有馬湍堡名保安安德之建時同北茭其周逾北茭二十一丈地坦居稠齒繁戶給保安之建則在其二年周亦與奇達同跨山面海曠然大觀中爲三門并分山南山北二墩較之諸堡規制既殊人文尤盛蓋幾侔邑治焉康熙時王孚所修堡寨捐費未詳若士一所修東岱定海諸堡與浦口寨炮臺等費計又捐銀七千五百四十餘兩浦口寨卽今益砌寨

荻蘆寨立於宋紹興元年

宋初置於永福縣辜嶺元豐間移置懷安縣吳興紹興元年復

移於此元明因之洪武二年置巡檢一員潘渡把截所明至二十年又移置於北茭今廢故址尚存

洪武二年所設也今廢仁賢里則有朱公寨安定里則有小

嶺寨今呼小嶺頂中鵠里有敷化關光臨里有雲嶺關舊名

湯嶺有聶洋集皆屬治西及西北俱廢南灣寨在西洋山宋元豐二年置管連羅海

道至七年移置羅源縣今廢三沙鎮在永貴里峽口鎮在二十九都皆

屬治東及東北安德東鄉及仁賢里舊各置巡檢司其地

今寨廢而官亦裁矣沿革廢置存亡不同索志按圖燦如

也

由城池辨街巷自縣前美政橋直抵南門通濟橋名為大市街百貨駢集商賈所輻輳也中分其界西為欽平上里

連江縣志

卷之二

城池

十一

東為欽平下里上里街凡七其在美政橋西者曰塘邊街

為內河之南岸俗呼塘邊路西之自北抵南者曰天王前街北街

別名仙塔街舊有天王寺故名其西通於化龍俗呼大井頭橋北稱埗後西上即西門街

街返自福星坊南向東折則為萬石俗呼白石頂仁壽俗呼高吟王

巷三街會於大市街之中下里街凡十其在美政橋東者

曰塘邊東街亦河南岸也俗呼城隍前隨橋北向則有登雲街

長街返而南向直抵雲路街俗呼後路街有興賢街橫截其前

俗呼義井西通大市中東趨學前街迄於東門又南沿城隅達

小東門西上為王步街其自興賢境前南向者曰宏路街

俗呼解直達水門者為院前街舊有資壽院折而左與王步接

元坊街舊有稅務局故名右則為務後街舊有稅務局故名達南門亦會於大市街上里巷

十有一而廢者二卓家巷陳家巷俗呼婆奶巷其廢焉者也存

者則有貴橋縣後在真武廟旁社壇以及大小龍津大龍津俗呼中巷小

龍津俗呼巷柄江夏洗馬俗呼上巷諸巷迄石橋俗呼巷柄分中在威奇上廟旁

里之巷具是矣下里巷有十存者九而廢者一城隍巷荔

枝巷孫家巷俗呼塔巷皆接於長街仁美南亭文山武邊俗呼府巷

郭家俗呼射圃巷花錦俗呼水巷諸巷皆存而未廢者也鄭家巷亦名

新則地廢而名存下里之巷具是矣他若東有井衙在大東門

連江縣志 卷之二 城池 十三

元帥廟對門堂兜衙在學前街陳家對門通儒學山西有巷裏在西門五顯廟對門油杭

衙在西上街之南暨城外之江南街皆前志所畧得為考

而出之縣治之後有隄名曰萬福縣治背倚九龍肩當湖白形家謂之天陷明成

化間知縣李紀建震遠樓於城北以抵其缺天啓二年知縣萬德鵬謂縣衙坐空捐俸鬻地築隄以厚其基作堂於

上扁以萬福其在通濟橋之南北接縣治南通省會者曰相公

隄宋知縣陳龍用游義肅趙士遜相繼築之故名後屢為洪水衝崩明修於知縣向縞國朝康熙間前後修於

防將王用升邑人而江南街之南則有趙公隄在江南鋪直街洋中

陳登寓民王用臣宋知縣趙士遜趙同卿先後砌就因名邑又有隄周禮量

在新安里新道為知縣閱達所築亦曰閱公隄在市朝道巷門渠則街巷之設固與城郭相為表裏故先王

建都左右面後經緯縱橫莫不有法凡所以安吾民而利之焉耳連之通衢舊稱蕩平地為商賈爭利之區競架竹為篷以衛百貨遂使東西簷牙連屬為一而火患熾焉委巷則奸豪侵塞昔是今非康熙二十六年蒞斯土者釐剔舊址佔者復之塞者闢之紳士耆幼鼓歌於塗祝融息燄逾乎數紀及今而日月幾何復仍疇昔之習矣

吳孔錡清街衢記畧

云古為民牧者不在為民取一時之悅而在為民圖百年之利連江之建邑也鑿九井以壓覆釜山之廉貞防火患也其街衢自縣前至南門兩橫一縱東西二巷如平字之形故縣前美政街名太平境示永寧也自明崇禎戊辰美政街火而第三井及東巷堙塞漸且蓋屋其上不復可考毋怪乎祝融頻仍而民生靡寧也且又搭蓋浮店以侵街

連江縣志

卷之二

城池

十三

衢道不得並肩民甚病之邑侯閔公下車見而愀然曰通衢之逼隘如此設有火患何以禦之於是邑之耆老紳士陳復舊址公為詳請憲臺可其議民自知非不浹旬而街衢井巷皆復如故公復捐俸鑿井而修之建宣化坊以壯縣治民心大悅請記其事於石以杜後之復侵者噫微公仁愛誰為吾連計及百年哉

公署志

凡治必有署漢唐以來所謂百官庶府也視其職因其地以定大小廣狹之制匪為之安居凡以宣上德於斯求民莫於斯雖藉眾力圖之而不疑於泰則出入寢處所期俯仰不愧而已徒節損而就卑陋是未見為政之善也連署始在治之伏沙墩晉太康三年由温麻屯升為温麻縣唐武德六年都督王義童請易名為連江天寶元年移縣署於今治背倚九龍面朝五馬形勢壯麗矣其堂宅布置前無所徵舊云至宋治平四年建自知縣趙炎規制始備也

連江縣志

卷之二

公署

十四

政和七年黃泳修之

黃泳修衙記云縣廨惟前廳宏壯昔令趙公所建也其餘廊廡房庫僅蔽

風雨丹堊凋落棟宇摧折非所以為百里之鎮予視事未幾凡縣政積弊皆剗而剔之矧廨宇乎遂命計材木植仆剔朽雖頽垣罅壁益加修完自中門至兩廡財庫吏司儼然一新堂下素卑每積淫潦復培其址而環砌以石旁植果木十餘本耦列左右為訟者之蔭息廳之後復修勸農閣閣之東隅飭聽訟堂廳之南有荷池繞以朱闌其外壘石為山雖不過尋丈而峯巒洞壑宛若真趣池之東勑為書院西瞰清漪前揖橫岑疎窓雕檻曲折映帶復以餘資外新縣額內闢燕堂凡巨桷飛梁徧施丹雘咸極華整上不費於公下不取於民不逾時而告成昔常懷文所至頽舍修立館宇藩籬垣壁皆應準繩今予晝夜措置敢謂必契於準繩哉然其處長短之度量廣狹之制相高下之宜審其面勢以圖永久之規亦不愧懷文矣竊常論今日之趨仕塗者其視去官如傳舍僉以公宇為託宿之地雖棟橈楹毀方且坐視苟延歲月俟代至者復撤舍去是誠何心哉故予所至之官舍必嚴加修飭不憚煩費凡簿長樂

尉青田與今爲是邑宰所居雖一日必葺而治之意者非止一身之安逸其終始之心不替蓋將推已所欲以施於人耳後之觀者毋以營不急之務而加誚焉又聽訟堂記畧云縣廳之東有琴堂勦而名之舊矣簷宇低昂塗墍圯損疎屋飾雨頽窓曠風未有葺而完之者予到任未幾間登斯堂徘徊周覽棟宇雖老而風景環合有可樂焉松烟凝翠池波涵碧覆釜突其前重岡疊巘拱揖奔赴惜哉湮沒久矣將亦有待而興乎於是度材計工仍舊貫而葺之翦去障翳極望明豁剔棖桷之蠹者易瓦甃之缺者支柱石之傾者飾以朱漆塗以粉堊陶青埴以平其址琢素砥以周其旁意猶未也復命丹青繪四時花果與夫春蘭夏卉秋雁冬雪層崖怪石物態萬狀皆寫於壁工旣迄成欲易其名而未得因究昔人所以命琴堂之名豈亦取武城絃歌之意乎然予也方蒞茲邑加意聽斷欲俾百里內無冤獄之嘆安能直踵子游氏之芳踪遂以聽訟易之夫兩持是非真偽之說而必欲其情雖有至智亦以爲難予豈敢自詡以爲能哉比聞諸父老曰先大夫昔治茲邑其遺芳餘韻越四十年仰其高風聽訟之效也當是時公明精

連江縣志

卷之二

公署

敏而民不能欺仁信篤誠而民不忍欺威嚴果斷而民不敢欺余每佩服斯言以爲從政之楷式朝省夕察恐墜懿範又考古人績用彰彰而見於載籍者亦不過是數者而已昔召伯教敷於甘棠信感於行露雖鼠雀之誣爲難明猶不待獄而後辨後世愛之深思之至乃勿翦所說之甘棠又何若愛其子乎予欲師召伯之賢循先考之訓罔敢希其萬一特其志之所慕者在此而不在彼

紹興二年方侯建勅書樓於堂前

三十年冬葉倚於後堂之東建慈慶堂其客富沙楊濮爲

之記

記云連川舊爲温麻鎮其地多佳山水而縣治尤據一方之勝覆釜峙於前寶華擁於右南望大海不能

二十里有溪冷然縈帶於邑聚之外而其流與海通風檣霧舶逐潮汐而往來者殆絡繹焉然則令尹聽治之舍宜宏麗壯密始足以彈壓山川之氣而肅吏民之觀瞻也歲久且敝失於完葺紹興庚辰之仲春譙侯葉公倚以通敏詳練之才來董茲邑弊源蠹穴疏剔殆盡公退之暇視公宇而嘆曰君子之居一日必葺若仍陋就簡以官府爲傳

舍漫不加省者吾弗能已矣於是庀工飭材舉垣之圯者石以基之堂之暗者窓以明之地之窪窪與夫卑濕者或布以板或平以甃且不為潤氣所及經遠之慮至矣猶以為未也又於寢舍食室之中撤去障翳表裏洞明後有龜頭廢弛不治乃復易其棟楹椽桷之黑腐剔其級輒蓋瓦之破缺塗之墜之墜之丹之獲之更以為堂焉其中與左右則有窓前則繞以行垣當風晴烟雨之際東湖青溪諸山若遠若近若有若無姿態橫出莫可名狀而又平疇萬頃蔓延其外耕夫饁婦吟笑往來登斯堂也一舉睫而盡得之葉侯天性純孝考成之日適當太夫人誕辰率子若弟捧觴稱壽於其上邑人旋觀叢嘆以為希逢之盛事然則斯堂之立豈特為觀美哉濮知孝道足風可以觀而化也請以慈慶名可乎昔馮仇為醴泉令著諭蒙十四篇鄉給一卷大畧主於教民忠孝而已噫仇之志亦美矣然載之空言孰若見於躬行動化之速如我公之懿與彼慶元庚申猶以夸耀於後則公之盛美安可沒而弗傳耶

秋趙善謚建惠悅堂於圃中 在大堂右張牧記之而教授何庇

連江縣志

卷之二

公署

為榜其上

張牧記云邑有遊息之所君子謂足以觀政凡人之情休迫則少歡愉暇豫則多款適平居里

巷一遊一燕往往奪以煩冗况邑令乎雞初鳴攝衣起卧內顧左右亟具盥櫛巾幘未加於首而吏喑於庭矣躡履出座吏先後摘文書以進伏几援筆不暇旁睨訟牒叢陳賦册林立百端萬狀攻吾寸心精殫力疲日繼以夜明且復起如初勉而為之十不了一樂於何有哉惟夫明徹於燭奸才優於剽劇來者無窮而待之常自若袖手於堂顧視無可為之事然後營造規畫以為遊息之所日與僚佐賓從春容於其間斯足以示吾暇連江之為邑起於晉距今千餘載相次為令者凡幾人邑疆饒廣戶齒夥於他邑官事固未易了比來風益訛習益澆奸昨猾吏相與為肘腋以出不意故事之至者日叢而為令之難百倍於昔然則遊觀之地缺焉以至今日非不屑為實力不給浚都趙侯以天假秀彥蘭省掄魁來尹茲邑始至撫摩凋瘵周視隱隱搜剔前蠹布設新惠無幾何百廢具興羣偽屏伏餘才綽然公退之暇乃於縣之東偏披榛蕪翦翳障得地可數百步周之以垣而堂於其中前峙立二亭旁植衆卉而

外環之以竹暇日揖客而入扶携徜徉觴咏歌笑若復不
理事者然退問則紀綱整而獄訟稀鞭扑弛而吏加謹罔
固空而民不犯則是堂也豈不足以觀政堂之始立牧適
至獲與觀焉堂未成而牧去又踰年再來則堂既成而教
授何公庇榜之以惠悅蓋取老杜惠愛南翁悅之句侯以
牧備悉顛末令爲之記牧曰凡勸爲遊觀之地所以爲樂
耳樂不在民不足以示訓侯爲政先之以愛人之學將之
以撥煩之才而惠悅之效如修學宮以養士建斗門以利
農闢南路之嶮巖勸西院以養民皆彰彰在人心目者堂
以惠悅名是必有得於侯之心其爲樂蓋所以悅斯民之
悅於暇豫時耳不然則是堂特懈怠弛荒之地何足
以書而論於衆衆曰是果足以觀政乃命刻於石 嘉定

四年李于清建譙樓於儀門外下爲石柱石獸巋然在望
焉元至元三十一年董政重修兼創後堂扁曰清安越三
十二年爲泰定四年置銅壺於譙樓之上者達魯花赤拜

連江縣志

卷之二

公署

七

住也又修正堂於是年之中至正六年堂燬於寇明洪武
元年王德欽重建廡宇新創承發司拘留房齋宿房於正
廳之左至五年於儀門之東建土地祠西設縣獄則自主
簿張仁卿十六年張益於譙樓外左建申明亭公論曲直
右建旌善亭褒獎賢良二十一年李鳳構觀稼亭於治後

舊有勸農閣鳳
卽其故地爲亭

成化十四年林鴻重修

邑人陳鴻漸修觀
稼亭記畧云縣治

後有亭翼然亭之上有樓巍然爲觀稼作也夫豈豫樂爲
哉亭作於先修於令尹李侯廢之也久今林侯鴻蒞政之
初輒復修之恐後何也良以國之所重者農農之所重者
稼稼或芄芄然旣庭且碩則歲之豐登民之樂利國之輸
餉吏之祿入胥此係焉闕農者誠不可不觀也觀稼者勞
其心樹稼者勞其力勞其力者不暇觀而付勞心者觀之

使觀於亭不於樓則吾之目力及於近不及於遠而憫農之仁局矣奚可哉願自卑而高匪特縱吾目之力將以溥吾心之仁觀不以近止而仁亦不以近止則環百里之遠皆域於吾仁之中矣越二年凌玉璣修

申明旌善二亭兼修譙樓弘治二年譙樓灾四年復建嘉

靖四年陳賢二十一年袁鑑先後皆修之鑑復於二十四

年重修正堂扁曰光明正大兼修後堂扁曰守已愛民四

十年熊尹臣復修譙樓隆慶六年朱應辰更新正堂自爲

之記

記云予令連江適廳宇將傾支以木弗勝風則瓦墜如擲水溢地不可步吏執左右立號號靡寧同僚坐

公座盱不敢瞬恐將墜焉予嘆曰此非所也堂所以出政治民日奔走避侵壓何以事事顧庫藏空虛莫能舉有耆民孫日章孫孔葆陳泓黃岱陳柱吳廷輔進曰邑猶家也予各華其居而高堂弗葺予之責也公父母也倡之以義

連江縣志

卷之二

公署

一八

其誰不從乃揭諭勸民率僚屬捐俸爲倡民爭應註於籍得輸金者數百人乃請諸當道飭材鳩工命孫日章等董其役經始於己巳之冬落成於庚午之春爲堂兩間左右作庫制視舊加宏規崇三尺露臺當道崇與堂應旁置皂隸亭并六房廓之改東西上堂路去四旁障翳之木卜吉升堂前山盡露羣峯咸拱蓋怡豁心目矣乃合僚屬父老而諭之曰若知堂之所以新乎若知官之所以坐斯堂乎新不自新也衆材聚而百工飭也官之職匪以新堂也將以新民也邑雖小將爲宰焉爲師儒焉或司倉儲或司關隘或司河泊猶之衆材匪聚則弗備匪工則弗成吾於斯深有望於僚屬焉民之弗新坐斯堂忝矣中養不中才養不才父兄責也吾於斯深有望於父老焉論既畢日章等請曰堂不可無記願假名筆彰盛美予曰惟功惟德乃宜金石茲非予德惟爾德非予功惟爾功名筆假也子見世作室貽子孫或罔代其勞有代勞者或作或輟罔克一乃心齊乃力務底厥成邑家之積也予民父母虛稱也日章能以子趨父事罔以勞辭罔作輟間或力疾市材或擱家務弗理或遇風雨弗離不程而速不賚而成豈今

世之所有其殆三代之好義者歟庸可無記他輸財衆矣有輸財復摘匠不怠者有無財可輸而輸其功者均爲罕得宜別置扁書名垂永鳴呼斯民其能自新矣坐斯堂庶幾藉以無忝焉經之初適大雨水有大木數百百里外順流而至因取爲梁若有天意焉宜并記之

萬曆三十二年蕭毅於當道爲塞門天啟二年宋應祥修後堂更於儀門東立寅賓館崇禎十一年颶風拔屋堂廡譙樓俱圯唐廷彥隨建東西兩廊十六年傅元禎復建譙樓其正堂則

國朝順治九年齊象先重建也是年兼修譙樓康熙三年周雲龍治內火復葺廡宇兼修譙樓改寅賓館以祀關壯繆六年署縣王紹芝移祀關壯繆於震遠樓復置寅賓館

連江縣志

卷之二

公署

九

十年郭鞏新建後堂

三年遭燬至是始建

二十二年閔達以治後促

狹規其外隙地闢牆出之歲久牆敝五十六年修於王孚

雍正五年以水圯劉良璧重修乾隆二年大風又圯之戚

敬言重修四年儀門復建增其旁爲二間而制度一新矣

行屬福寧分司舊在美政橋西洪武十一年主簿田祐

改以爲按察分司成化十年知縣章武移置布政分司於

其右府館卽布政分司舊地在縣西總鋪正德十六年吳

笈改置於貴橋之東明末奉新王駐連改布按二分司爲

王府順治丙申年王遁府隨毀

自是諸憲往來騷擾民居公鳩銀五十兩售孫家巨

屋以代公館今在五顯廟之左遊擊署是也

屬署丞廳在縣治之西宋崇寧

三年設丞改舊主簿廳為之明洪武十四年知縣張益移

建於縣東偏

崇禎十一年圯於風署前左為關壯繆廟

主簿廳改為丞廳更置

於縣治西南後又移於西北即今西衙地也宋設尉廳建

於元祐六年在縣治東南張益移於東公廨前隆慶六年

以尉為巡捕廳其署仍為巡捕之署

崇禎十一年以風圯

今在城隍

廟後天王寺為僧會司舊址龍興觀為道會司所居陰陽

學舊在小龍津巷內為訓術地醫學惠民局署無定所云

稅務局在下里資壽街唐稅官黃孟所建美政街東有

連江縣志

卷之二

公署

二十

收稅亭元時建於知縣董政洪武間復建稅課局於亭之

內開拆局在美政橋東亦董政建今皆廢不存 預備倉

始建萬石街正德間移於獄後嘉靖間又移於幕廳萬曆

間三移而建於縣後

國朝雍正乙卯戚敬言捐貲新之今日常平倉即古之預

備倉而改之者也宋景德三年所建常平倉與定海留際

諸倉均湮不舉矣平糴倉宋淳祐八年游義肅建吳驥伯

為記

記云淳祐八年良月邑之平糴倉成建陽游侯義肅所建也邑民感侯之德植碑於倉以紀其績竊惟郡

縣委積古良法也其後有平糴之令常平之義平云者斂散以民蓄有餘而備不足也常平環邑有之而歲輸幾何

脫遇水旱涸轍勺水豈能枵腹以待矧茲邑濱海土狹民稠歲豐惟恐不給民藉航海之利半仰食浙廣然米舟輻輳竟欲速售率爲小艇洩之傍邑間有蓄藏之家求多於取贏屬歲少歉粒價日翔方思所以賑恤而邑帑亦立富商有蓄米者勸之市以平價繼而官廩發焉邦人大悅侯曰事出卒辦何如有備於其先惠行一時孰若無窮於其後因思晦翁有言救荒只有儲積之計若臨時賑濟安有恩惠及民遂建倉里社刻浮剔蠹於版帳外斥其餘若干緡爲糴本粒米狼戾則因市直之平以收之民食稍艱則用官直之平以散之立督正更掌而丞總其事吏惟奔走於出入無與豈惟貧戶爲便而商船樂見錙之交產戶省數糴之擾先常平而發有以佐公家之不逮措一畫而百利隨至哉仁人之用心也嘗慨今之試邑者膏脂自潤違思利民視官爲郵誰爲數百年之慮若侯真學道愛人者歟昔子罕以身率下宋無飢民君子知其有後於宋我侯厚施於民天厚侯之報未艾也今亦無傳社

倉康熙七年金以堽奉巡撫令而立地在城隍廟西美政

連江縣志

卷之二

公署

三

坊東內河北岸之上後圯他徙西衙有西倉二座北新倉

二座西倉雍正七年胡宗文奉檄所建北新則雍正九年

陸鶴奉檄建也儀門西有鑾儀庫尊君也東有火藥庫

備用也今移火藥庫於東廡之北又濱海之屬署四明

洪武二十年移亭角巡檢司於蛤沙建署爲巡檢李定安

是年并移荻蘆巡檢司於北茭建署爲巡檢李朝英在蛤

沙者正統十三年邑紳趙恢縣丞李郁奏革在北茭則

國朝順治間調遷官移而署廢東岱巡檢司卽北茭所移

署在演宮後無署而暫爲署也河泊所官裁於萬曆間署

亦從而毀焉凡效用於國家而既政平事理矣所爲計宜無不周昔之人隨至而繕理必精或臨代而增新不懈益以著厥賢聲故有創始者曰建因其舊跡者曰修遷此就彼者曰移同地易名者曰改皆得一備書而無可畧倉庫館局皆屬乎官者也故并附之

連江縣志

卷之二

公署

三

田畝志

井田之法創自黃帝歷虞夏商周遞承弗替及秦而始壞自漢以下則有代田限田均田之名迄唐而爲口分世業其法凡幾變矣然國有常賦準之田以爲制法雖變數不可沒故必核田畝之詳而後則壤成賦畫然而一定連之田畝隋唐以前不得而考宋則舊志可徵顧存什一於千百究亦語焉不詳也間輯其畧田爲二等別以官民謂之官職田學田沒官田廢寺田及官園地統焉謂之民民所授受新開墾地及未入官之寺觀田園地統焉稽其數官

連江縣志

卷之二

田畝

三

田二千五百二十七頃五十六畝而奇二角三十五步也民田二千二百六十五頃九十九畝而奇三角四十三步也寺觀田二百九十一頃五十六畝三角五十二步也贍學田八十八畝三角三十五步也園地三千三百九十二頃一十五畝而奇二十步也民園地三千九百四十九頃三十三畝而奇五十九步也寺觀園地四百四十二頃八十一畝三角二十二步也官莊園地六百四頃四畝三角三十三步也其在宋者然也至元官田丈數舊志僅載二頃三十畝七分十一步較之宋額千不逮一民田一千

四十頃六十八畝七分八釐較之宋額二去其一贍學田額較宋則溢出一頃九百四十二畝有奇官園四十一畝五分一十四步地一頃八畝六分四步山一頃二十六畝六分四步山園三十八頃二十畝九分八步以較宋額又皆不及遠甚焉此何以故也考田賦舊志宋元之夏稅秋租正雜錢課額數不甚懸殊豈田畝地勢猶是而丈數各爲頒設歟抑田畝之存亡不問而賦稅之舊額按籍而徵也元之天下將歷百載而田畝僅爲一書宋傳三百餘年而田畝亦僅一書大抵舊志存其目而未必細核其實耳

連江縣志

卷之二

田畝

三

明自太祖一十四年連邑田畝遂爾縷晰條分官田園租地山一百九十四頃四十五畝六分民田園二千頃一十一畝六分並無新墾坵漲岐額也二十四年官田園地山外復有池塘與十四年比論又溢出二百一十頃八十一畝六分民田園地外亦有池塘與十四年比論又少一百餘頃有奇焉以官民合計之則又不甚相遠也宣德正統其籍無稽景泰三年官民田園地山塘合丈一千五百九十八頃而奇五十畝五分天順間加一頃二十一畝由成化而迄嘉靖一轍相承然而官田總稱官折蠲免別差至

於民田科派繁多弊如蝟集其間有水塌沙堆不成乎田無以爲佃者有荒蕪日墾田地已熟而禾稻未登者有佃匿已久畝數在冊鹿馬支吾者有暗飛旁灑坐享無糧之田者有遷就棄業田已屬人糧仍懸掛者則清丈之法不可不講也萬曆七年撫按會題奉旨清丈視田高下肥瘠爲差其則以原額爲定截長補短分上中下下下坍塌五則配定民米官米銖黍無爽考其時通計官民田園地池塘山一千七百九十九頃而奇四畝八分九釐於是冊造魚鱗每圖都里條列區數編明字號方圓斜削隨地繪形

連江縣志

卷之二

田畝

三五

密註弓丈田鄰業主於每圖立阪長一名冊給收藏土田爭訟質之於是可不煩言而服又立黃冊一本每圖都里遞年填明本戶詳其舊管新收開除實在之數呈縣按徵舉凡糧米之出於田者觸目瞭如矣而猶恐奸胥豪強蝕楮塗鴉移甲就乙欺詐愚弱每田一號給業主佃單一紙內所具列一符魚鱗冊授受之間不惟真僞有辨卽輸納之下抑且糧米有考弊更無從而生也明季兵燹冊籍散失弊孔潛開迨至

國朝定鼎舊塵爲之一清順治間冊載官民田園地池塘

山一千六百三十四頃而奇六十五畝八分三釐五毫九絲十八年調移豁除田地五百七十四頃五十五畝二分六釐三毫去舊管者三之一康熙元年又報除荒蕪田園七頃八十七畝二毫奸豪蠹吏得毋乘間爲僞挹彼注茲乎乃荒蕪之額二年卽復之無少差池豈所墾者專在於是歟抑或舊額不容缺少漫以新墾抵也究竟時當寇警民際流離弊端百出此其勢又不得不清丈康熙五年清丈除遷外溢田三頃二十二畝而奇七分二釐三毫是卽移民丁正熙占墾湖阪之田名雖爲溢而實非溢也丈法

連江縣志

卷之二

田畝

三

一如萬曆年間自二十年至三十五年前後墾復遷移田五百四十八頃而奇一十畝九分一釐一毫較諸舊額減二十六頃奇矣乃三十六年以後又新墾三十餘頃則舊額已復也雍正元年至十三年歷墾田園坍塌漲等田三十餘頃焉似又加增矣而四年大水又開除一十八頃一十一畝有零時郡守胡承謀知縣劉良璧親履郊原所以乾勘闕堙沒無存不能墾復者詳題開除隆元年計田畝一千六百六十二頃而奇二十三畝五分五釐四毫九絲二忽爲其實在也二年通查缺額料折差增田七畝一分三釐零又彙報颶風情形衝陷沙堆田一

頃三十三畝九分零

二年颶風大水田多崩壞經知縣戚焱言詳請豁除

則自此實

在之田畝應又少於元年二年也大抵田畝以清丈為先覆丈為要清丈則田損糧存者如升水火覆丈則漏稅匿課者如見雷霆此均賦之良法雖百世而可通行者歟

連江縣志

卷之二

田畝

三十七

津梁志 附渡舟

上古舟車之制所以休民力而通其所窮後世創為橋梁
又以通車之窮而為舟休其力者也故民之利之猶舟車
而王政謹之昔崔亮於渭水成功王周以覆車引咎至今
皆為美談民亦勞止苟有以紓其一二亦易於見德矣為
政者一已不遑暇而求為民永其利夫安見隄橋之餘跡
長宿所傳不欣戀於童幼哉連城內十橋地最尊而望最
著者莫如縣前美政橋 長二丈廣一丈六尺宋元祐八年
建上有亭扁曰美政後圯明洪武
元年知縣王德欽重建成化十二年知縣章武改名宣化
嘉靖十八年秋為大風圯知縣袁鑑重建易其名曰正觀
連江縣志 卷之二 三

今亭又廢橋之左為城隍橋祀顯佑神出入經之復東為登雲

橋亭榭翼然道可四達 長一丈八尺廣一丈六尺元至正
四年燬石柱猶存明正德間再建

有亭旁祀吳真君河於此分東北流其東則儒學後洋青雲橋在

焉 此橋明崇禎間所建其北則有倉橋 在長街
鳳鳴坊 鼓樓巷橋皆附於長

街之旁右為分司橋 在塘邊西街分
司廢署之前 平列者三而貴橋在

其側折而北曰金壁橋亦為四達道 長一丈廣一丈二
尺舊有亭今廢 又

折而西地勢軒昂形若俯而下踞者則有魁龍橋 在化龍
街長一

丈一尺廣一丈五尺有亭宋紹興二十七年知縣上官瑞
建明嘉靖四十一年亭壞隆慶中復建 國朝康熙乙卯

以大風圯今石柱俱存 歷任公餞科生此地 將之西復為南向有若仰而上翔

者為福星橋在萬石街口舊有亭今廢石橋則中處於化龍街南其潛

於巷內下通金壁之水而西者也河之壅久此十橋半為

平地河既疏而橋之蹟現矣自城東而窮海濱為路多岐

為鄉錯處為橋散布皆自東昇橋始在大東門外附於右者為

小東門橋明萬曆四十二年縣丞孫繼謨造為沙壅塞康熙五十年移其石造北門橋此橋遂廢參

於前者為達伏沙之小橋屈曲南行跨於兩岸者為北堽

橋二橋皆跨河上舊沙土丈積橋伏於下民占地為圍雍正十三年知縣戚崧言訪之故老尋獲橋蹟興工濬河

因橋舊址而新之越二里為塘頭橋下有斗門以蓄洩東湖之水

一名浦下橋有碑記更越二里則為烏石橋在烏石山北長三丈五尺廣一丈二尺高二丈

連江縣志

卷之二

津梁

三

又有岱雲橋亦為斗門於下而財溪之水瀦焉其在幕浦

堡前者曰西門橋其在浦口者曰浦口橋乾隆五年滕于岱等募修其

在二十九都者曰化龍橋宋淳祐丁未陳政募修二門廣一丈三尺高八尺距縣二十五

里其在安海嶺之西者曰通仙橋距縣八十里長二丈廣一丈宋嘉定十六年僧

淨英募造其在二十七都連屬於路者曰金沙橋在蛤沙連西街路共一百

五十丈宋太平興國二年鄉人李景元建下抵大海上與居民蓋屋元季水激崩壞明洪武十年鄉人黃祥甫重修

其在集政上里者為塘邊橋距縣八十里凡此皆橋之交

錯海濱麗邑之東境者也邑南門直抵館頭舊道與閩縣

界其間橋最大費最多工最久者莫如通濟橋在南關外為出入要

道先時以舟濟隋大業間僧獨覺創址以石梁爲步中流
仍渡以舟宋政和四年玉泉寺僧真覺募造越七載爲宣
和二年橋成計十八梁長五十丈廣一丈六尺高三丈上
下不等相傳語其徒曰我死沉骸於橋下則橋永無壞矣
人懷其德弗忍因造塔橋南葬之後百年溪漲梁壞知縣
陳龍用捐五千緡修之淳祐九年知縣游義肅相中流湍
急改在中四門灑水爲三道門既寬廣遂免衝突之害邑
人鄭應大記云連江一水由三源合流歸滌於邑且界地
之南要邑人往來艱於舟楫非橋莫能底其平也故先僧
創址於大業之中本朝政和間龍象真覺克宅乃事其利
民也博矣時西壕未堙石埭俱存無奔湍迴蓄浮梗衝激
之危石梁砥立平地維江流直通於東海邇來百有餘年
民多取木壓損橋趾洪水漂漲原埭旣渝西壕亦壅上無
以分其流下無以疏其勢而橋梁將墮者宜也邑侯游公
大懼前功或弛引咎在躬遂捐薪俸擇工治之乃折中四
梁廣爲三梁俾江流順達永奠千古始事於春而冬訖功
邑民樂之思刻石垂示不朽來徵子言子觀公之爲民非
獨開橋一事凡德於民者有素也自學校興而民於學校

連江縣志

卷之二

津梁

三

德之自賦役平而民於賦役德之至修九井增水利田野
關盜賊息平糴有倉皆得其法有德於民而民頌聲謹然
安敢以關橋之役爲病已而不趨其事哉則夫橋成爲公
之甘棠可知後之欲全此橋者繼以疏壕修埭而公之甘
棠茂矣隆慶六年橋尾西塔俱壞知縣朱應辰同邑人吳
文華重修國朝順治十三年八月海寇陷城提督馬得
功統師逐之寇燬中間兩梁道康熙乙未知縣王孚集邑人
購木代石庚午陳登重修之康熙乙未知縣王孚集邑人
陳潤孫昌言吳爾菖楊臧陳逢宣等復謀大修改造三趾
新砌九門將上巨石於中梁傷人遂止僅以木代今尙遺
石二於城外江岸并遺泉州施酒捐石三於大安山庚子
年邑人鄭霄陳道峻吳沛達楊鏗孫繼宗陳愨孫澄陳學
沛吳雲達劉志欽林鴻林大僑周夢采林子可吳元泰等
募購大木三百五十修葺雍正三四年連邁水災第一梁
斷十四梁連基崩塌相公隄盡徙知縣劉良璧設二渡舟
濟民往來六年知縣于沛倡紳衿里老鄭霄孫澄林鴻吳
雲達章承宣陳名然陳以昭陳煥若劉允珍等共勸募修
附邑人陳舜申詩山勢看駝走江聲萬馬嘶落帆依岸

隱斜日傍人低潮漲沙痕沒雲連野樹齊詩成笑歸去明月小樓西王德溢中秋江橋玩月詩百丈飛虹勢欲浮月華光湧碧波流海門遠引龍駒島江漢平分兔魄秋涼霧拂衣天上立清宵泛酒鏡中遊道人對景多吟趣漫有詩篇可汗牛孫文銓和韻閩闔涼生水氣浮樓船簫鼓湖中流卽看端正今宵月共惜清光一半秋江縣盡從御史飲鍾陵豈復少年遊疎篷獨對里許則爲吳舍橋俗呼牛獅天河卧白帝星昏漸轉牛橋長二丈廣八尺越六里而依嶺下者爲蘇灣橋康熙間邑民逾嶺而

至埧頭橋距縣十有三里東邊橋距縣十有四里過此至

館頭則大江森然而橋盡焉高粱橋一名赤砂橋距縣二里長一丈廣八尺

附吳舍橋之西新亭橋距縣三里則附於東皆非館頭之

大道也邑西門之橋曰迎恩橋康熙間洪水衝壞四十二年典史張重德捐募重造

連江縣志

卷之二

津梁

三

約百步爲興慶橋

在西門外青精頂

鳳汀阪上爲萬壽橋

雍正五年知縣

劉良璧捐募造

又有塘後橋距縣凡一十五里從此分歧南抵省

會則過安利橋

在光臨里俗呼潘渡距縣二十五里不知創造所始宋紹興十四年知縣阮圭建木

梁名曰惠政橋邑人林搗詩溫麻之邑山水區溪流來自西非隅上流孽地山縈紆下入大海天模糊循溪村落葺茅茨中有古渡橫長途非走三縣傍三吳渡頭行客無時無飛濤澎湃鼉鼉呼舟人射利開金壺居人病涉行者吁安得水面浮亭衢道人張顛佛之徒布金長者爭來輸阮侯於此宏規模一笑佐以公家儲萬樹倒身委泥塗萬石壘趾鐵不如功成役罷大字書弄翰者誰張與蘇乾道二年洪水衝壞知縣晁子闔更新之壘趾十九尋復壞寶慶三年中流湧出斷石刻文曰安利橋黃巖帥守王居安與金部鄭逢辰協力改建易惠政爲安利從其舊也因豎刻石橋頭立碑載橋長七百五十尺廣十有八尺高四十四尺砌水門爲十道高濶視舊倍之爲屋二百三十有六楹靡

金錢三萬緡半出公帑餘皆樂施浮圖宗日慧能比茲役
金華徐澄記其事陳宓為書元至正十九年橋壞民又艱
涉郡紳潘昉捐舟為渡明嘉靖二年壽寧縣募緣重建
二十一年復崩本縣始編徭夫以濟崇禎郡紳曹學佺
知縣沈士奇復為募建四年橋成為屋百間學佺紀以詩
為山成一簣離水若干尋世態原浮寄行人仍古今微軀
無倦意賢宰有同心因憶橋成事全資物力深孫昌裔詩
溪勢奔騰急橋雄足捍濤千人碑口在九道水門高視溺
真由已成功肯憚勞寄言問渡者潘已改為曹順治丙戌
黃斌卿統兵過此軍士不戒燬於火復為渡康熙戊辰僧
越期截手募緣為橋總制張仲舉捐金千兩助之閱三年
橋成甲申又燬刺殘木四百餘根五十二年邑人鄭豐芝
率里民上籲督府總制范時崇捐金千六百兩給造橋成
未覆以屋越八年庚子塌陷僅存橋趾列時中流雍正四
年盡為大水所圯今仍需舟渡附陳舜申詩溪流溯風
漫帆影薄山低高壁半天樹荒村殘日難橋疑虹穩跨灘
學馬頻嘶一笑黃塵客年華水欲西曹孟善詩官路橫江
北殘橋立水西雨銷虹影斷秋老雁聲凄竹院沈荒徑石
津梁

連江縣志

卷之二

碑沒舊題濟川人而歷楓坪橋距縣三十里乾隆三
不見長望綠波迷年知縣戚敬言倡修至於

陳溪橋距縣三十五里按碑云元至正庚戌三月羅川聖
壽寺僧興祖募造寧善鄉巡檢清源葉瑤元吉書

石後為洪水所壞羅川達魯花赤兼勸農清浦阿里沙復
初重造長三丈廣一丈二尺高四丈二尺至正末年復崩

明時以石可為梁康熙間里民周逾此則省會之域矣自
五中募建又崩故址尚在洲中

塘後西抵小嶺則沿途所經者有朱步橋焉在清河里距
縣十七里

平舒廟下有陀口橋穿雙楓而入有陀尾橋焉在美摩山
下俗呼楓

臭越乎陀嶺有週溪橋焉雍正五年知縣袁本朱坑村前
濂捐修舊有亭今廢

有四定橋焉在仁賢里雍正其踞白巖之上者名朱公橋
四年洪水湮沒

在仁賢里白巖宋嘉祐三年知縣朱定建魯國會記云縣
西四十里有白巖溪西距古田達於建州北際羅源長溪

抵於温州凡官吏郵傳行商通貨罔不由此以濟先是編木為梁屬五里之民逮時修治每暴雨溪漲力不能任則漂壞歲常三四民以數勞為憾朱公視事二年憫民之憊而圖厥利諭寺僧邑里有好義輸費傭工同心協力乃度基而通於山即山而取其石雖風雨溽暑躬董役事民感其勤樂趨無懈橋作於四月甲申訖於十月丁未袤二十一丈廣一丈六尺高三丈八尺列為七門由是往來無病涉之艱數勞有永逸之樂公勤民之心其至矣乎今之為令者簿書不責謂之不急欲利之興惟謗之卹欲事之行惟咎之追公忘已之私興民之利故其政之行也宿弊革災害除賦役均田野闢茲橋之成尤卹民之大者財雖靡不以為費力雖竭不以為勞推而踐之利民之惠安有遺哉邑僧紹真德瓊及耆老林叢等二十餘人錄其事索子文以志因以朱公名之明嘉靖初橋旁多樹木陰翳數有暴客禦人叅政蔡潮伐木捕盜行旅無患民為立碑四明豐熙課文傳汝舟過此詩遠溪苦路迂秋月色載晡突然見石橋橋邊多老烏奔湍響嚇人咫尺高莫呼下有冤死鬼白骨不肯枯陰風忽相掠稍令心膽孤旋見守關者三

連江縣志

卷之二

津梁

五來荷及問之設何時云自蔡大夫萬木斬伐盡羣盜從此驅眼前紀功碑欲讀字已無寧能俟百世始為荆蔓汚三嘆謂徒旅仆時須爾扶康

熙初橋圯邑人林坦募修昔所無而今特建者為定田

橋距縣六十里雍在山坪道口者為百花橋在安定之里

橫互大溪者為登仙橋在大溪東距縣更北而道瀾水踰

小嶺達羅源界而橋皆無聞出自北門首日拱辰橋即大

橋三門四趾康熙五十一年邑人陳潤陳煥若募修越五里為四宿橋地有四墩若

亭正統八年造又越四里則有亭崎橋距縣八里在他若板橋濂

湖橋松灣之私徑也板橋去縣一里先用木板為之嘉靖

年流沙壅壓而橋漸沒雍正四年復為王塘橋去縣六里

沙堆橋與阪不辨矣濂湖橋距此不遠宋端拱間

知縣鞠仲謀建明知縣歐陽瀚修康熙北禪橋宋紹興辛熙乙丑知縣王仁灝重修下有斗門巳年造梅

塘之便途也其在賢義里有更修而易名者為龍興橋舊名

塔橋崩邑人吳應龍於萬曆四年募建修造知縣張賢義其舉碑云連之賢義去縣二十五里許北通浙江南抵閩

省乃輟迹必由之所舊志塔橋久而圯行者病涉矣邑人吳應龍首捐金倡募是橋為之赫然重新予蒞茲土嘉其

績乃易其名曰龍興橋遂勒石以垂不朽云雍正十三年吳安國復修其在丹陽者為安義

橋長八尺廣七尺高一丈里人陳九萬於崇禎三年募造今圯其在白鷺洋者為傅溪

橋長三丈廣五尺高一丈康熙庚寅里人募修至於溪尾橋成於宋而今圯者

宋淳熙三年建舊志長三丈廣一丈二尺高一丈王庄橋則於今始創也雍正十

陳脩士捐募始造東禪橋乃迤北康莊雍正四年橋崩五年知縣劉良璧捐俸砌造長四丈

連江縣志 卷之二 津梁 三四

廣六尺高八尺紅亭橋康熙巳酉里民鞠文聰募建長蘆通邑立碑以記二丈五尺廣一丈高一丈五尺

柄橋雍正十三年至民張國成等倡修長一丈五尺廣一丈高一丈相綿延於中鵠龍門

橋則帶紫霞而轟起也在中鵠里近紫霞山唐禮部尚書張瑩故宅在此過此為

溪林橋即杜棠橋長二丈五尺廣一丈高一丈連羅之界又於

此分焉自小北門而迄建興者始則小北門橋越五里在

毗屯洋之西亦為四宿橋正統八年造明末者民林明善修康熙壬辰山下鄉民復修之

又越二里則山下橋為東湖之尾間者則南埭橋嘉定三年知縣

趙善高修縣尉謝宜中記過嘉賢下里爰有財橋長一丈五尺廣一丈安德之鄉

首歷上橋長三丈廣一丈亦名登雲橋次為月峯橋長一丈二尺廣一丈二尺次為

亦名登雲橋

鎮東橋 長四丈二尺廣一丈久廢今改造名以飛鳳 宋里人鄭著作所造者則

溪頭橋 長五丈廣一丈俗呼東里橋 里人王提刑所造者則龍升橋 長五丈

丈二尺廣一丈二尺 新橋可望石牛 石牛在海中相傳於橋上望見明亮則出貴人 尖墩橋

於安德諸橋為後勁矣由是而保安在鯉溪有升龍橋為

金沙水所經者有庄邊橋近麻寮墓者有黃波橋金沙橋

堡之北門 康熙間九十三叟庠生陳珂重修 玉尺橋堡之西門也其在建

興倉前者即曰倉前橋在東山者曰登龍橋 雍正間邑人陳超捐造

而在巽與則有衛洋橋 雍正四年林龍五重修 然為橋必以人力若

建興之天然橋兩澗渾成非復人力所能為也故曰天也

連江縣志 **卷之二** 津梁 三

巨石跨兩澗水通其下出於天成故名 凡郊外之橋小則不書以其微故從

畧也在縣治者雖小必書其地尊故重之也凡今之修與

造者雖小亦書予之以義也既廢而存其名不忘所自也

乃若地為橋所不得施或有未及施者則仍待於舟招於

是而有渡江亭渡未詳何地疑設於通濟橋未造之時舊

志蓋闕之橫槎渡光臨首地南北岸所往來 距縣二里高夢月詩靈槎

天上來截江成古渡我欲問支機此是桃源路 羅崙渡道省會問津處也 距縣十五里先

是此地以私渡為利康熙四十年邑人陳道峻孫志仁周懋勳偕里民林能榮等倡置田畝折租七千七百餘斤覓

渡夫為之直勻糧米於通邑船久當修則渡夫任以理辦凡往來無許更索行人錢泉皆稱便

附募買田號

一橫隴田一畝五分六毫二絲五忽

租二百四十斤佃卓尚殷

一連巷田一畝八分九釐三毫一絲

租四百斤佃余子魁

一當官又名苦竹坪田七分五釐四毫

租一百二十五斤佃陳乃存

一大路邊又名亭兜田一畝六分七釐三毫一絲

租三百斤佃余子采

一洋尾田一畝四分六釐九毫六絲

又一號

共租四百五十斤佃余子魁陳可光

一亭下又名蓮池田一畝一分四釐六毫九絲

又一號

共租五百三十斤佃李國基

一道院又名牛山田一畝八分八釐九毫四絲

租四百一十斤佃魏永山

一蘆墩田七分八釐四毫九絲

連江縣志

卷之二

津梁

三六

又一號五分七釐三毫六絲

共租二百四十斤佃陳宿存

一下川又名井壑田五分七釐四毫二絲

又一號二畝一分四釐五毫五絲

共租三百五十斤佃曾元開

一下川又名井壑田六分三釐六毫

又一號二畝八釐九毫一絲 以上俱坐產陀洋

共租三百五十斤佃劉子義

一樟橋又名透頭田八分六釐三毫

租一百五十斤佃馮國行

一陳洋隴又名臘下田四分九釐六毫

又一號一畝三分三釐一毫六絲 以上俱坐產洪坑

共租二百二十斤佃陳啓暉

一前阪田七分二釐六毫三絲 此號劉學哲支站

租一百斤佃黃朝華

一前阪田八分二釐

租一百斤佃黃可威

一前阪田八分二釐

租一百斤佃黃玉舜

一門前又名塘下田二號共一畝二分七釐八毫三絲

租一百六十四斤佃黃克樂黃欲奇

一宮下田八分七釐七毫八絲

租五十五斤佃黃玉茂

一宮前田四分八釐一毫一絲

又後隴田一畝一分一釐五毫七絲

共租一百七十斤佃黃玉侯黃玉萬

一宮尾田一畝二分八釐六毫二絲

租一百六十斤佃黃玉茂

一後隴又名芹模下田七分二釐三毫四絲

租一百二十斤佃馮國行 以上俱坐產龍灣

附募捐田號

一林仁瑞捐潘渡河工田二畝七分三釐五毫六絲

租三百五十斤佃許子安

一林次思捐朱步竹嵐田一畝七分七釐五絲

租二百五十斤佃張守卿

一蘭遜伯捐椀邱丹橋田二畝六釐二毫五絲

連江縣志

卷之二

津梁

三

又椀邱橋頭田八分五釐三毫三絲

共租二百四十斤佃雷國生

一陳公祐捐朱步門前田七分一釐

租一百五十斤佃陳子遠

又朱步門前田二分三釐八毫九絲

租六十斤佃陳允珍

一孫志仁捐朱步三股溪田二畝一分一釐二絲

又一號六分七釐八絲

共租二百斤佃林成發

一陳明南捐朱步卓厝墩田九分八釐三毫四絲

租一百二十斤佃張韜廷 此號糧米未勻現立清

河圖四甲羅崙渡名字

又洪坑樟橋田四分六釐七毫二絲

租八十斤佃馮國行

一僧淨水捐朱步曹厝前田民米五升九合二抄七撮

租九十斤佃蔡瑞長

又朱步曹厝前田民米三升八合一勺四抄九撮

租九十斤佃陳長生

又朱步墩仔頭田民米五升七勺九撮
租九十五斤佃陳允茂

又朱步官竹下田民米五升三合一勺八抄九撮
租八十五斤佃陳允茂 以上俱本縣人

一劉涵初捐朱步虎腰田一畝四分二釐六毫二絲
租一百一十斤佃張如廷

又朱步門前田八分七釐三毫七絲
租一百八十斤佃陳子遠

又朱步門前田六分一釐五毫七絲
租六十斤佃陳家輪

又朱步梅模墩田一分八釐七毫五絲
又一號六分二釐二毫九絲

共租九十斤佃陳華生
又朱步渡頭田四分五釐八毫四絲

租 原佃洪信和
一王際豐捐潘渡長尾橋田一畝三分二毫七絲

租二百斤佃林爾捷
又洪坑大坑口田二分九釐六毫八絲

連江縣志

卷之二

津梁

三

租四十斤佃馮國行

又洪坑白蓮墩田五分八釐三毫四絲
又一號八分五釐

共租一百九十斤佃陳啓暉
一王國兆捐寶溪下田一畝四分八釐七絲六忽

租一百七十斤佃李挺卿
又朱步南宮口阪脊田一畝一分八釐七毫一絲

租一百二十斤佃陳華生 以上俱省城人
右田或買或捐俱係康熙四十年以後從前有福清寓

民鄭克美者年捐租穀六千餘斤造船給夫歷五六年
潘渡自閩之浙要道昔渡而橋今橋復渡矣其在安中舊

為安仁上里者曰東岸渡舊為安仁中里者曰赤猴渡其

在清河里內為安定仁賢諸里詣縣所必由者曰陀口渡

是皆上溪之港截流而渡者也荷頭渡為永貴出入巨津

陳公渡南自永貴來北自嘉下往必從此以濟焉

在永貴杉子崎

先為私渡嘉靖戊戌縣丞陳瑞請於郡編徭夫以濟捐俸治舟葺亭邑人游璉記云陳公渡何志始也何始乎往私也而今公之公其始也故名渡屬邑之永貴里去治可十里許俗呼杉子崎渡受古羅以上諸溪之水而下通漢渤涖洞無際涉者非舟楫罔濟自有此邑治以來瀕河之民私舟楫稽其利民涉乃艱河岸舊有亭久且圯壞或風雨不時潦水大至荒落之區無所庇藉邑人眉州守竹溪陳公曾輪錕欲大為修葺未果少尹石湖陳公理邑丞事以公事至乃嘆曰是乃不便於民也即上其事於郡允之於是捐俸經畫命里人陳鋌等督其事編役治舟伐石葺亭費不糜官備不擾民爰處爰涉口碑津津皆曰往日艱我者我民也今日德我者陳公也乃相與呼為陳公渡吾友水部東山陳子常力贊其事喜其成以書授少石子曰吾人之惠陳公始之也恐後人之德陳公者不如吾人也蓋為我記之余維造舟為梁附於周制秦作河橋君子予之乘輿濟人鄭產暉焉渡亦政之一端也陳公留心政理如

連江縣志

卷之二

津梁

三

修安利橋梁創小橋開濬新安渠甃鼇江路若是可書者種種而茲舉尤民之所愛者也故特鐫諸石以垂不朽

是皆下港之濱截流而渡者也邑之正南距二十里順風

潮瞬息達省會者有館渡

洪武末年知縣侯炯所立

邑之南東距二十

里循玉樓之趾達七塊者有荻蘆渡

先此一渡艱於往返操舟者鬻利於此或

欲增設則沮之雍正十三年邑人趙恭呈請增渡知縣戚焱言始成其事

邑之東北距六十里

翼飛大海達彼岸則羅川者有馬凖渡外此渡名孔多或

乘潮往返或行止靡常隨其地所立而達於縣者不在此

數蓋舟與梁相資為用必其為眾之所共賴者則繫之津

爾連西北依山東南抵海故橋多於西北而渡常在東南

周視境內凡有廢墮則舉之其將敝則預修之以及人之
近利爲經世之遠圖先民有作宜勿替引之矣

連江縣志

卷之二

津梁

四

